

咸淳重修毗陵志

重修毗陵志卷第二十三

詞翰四

詩

題慧山寺

王禹偁

嗟入慧山山下寺古泉閑挹味何嘉好拋此日陶潛
米學者當年陸羽茶猶負片心眼水石暫開塵眼識
煙霞勞生未了來還去孤棹寒蓬宿浪花

陸羽茶泉

巖石封苔百尺深試茶僧味少知音唯餘半夜泉中

月留得先生一片心

張公洞

陳堯佐

空山杳杳鸞鳳飛
神仙門戶開翠微
主人白髮雲蘿衣
松間留我談玄機

長生檜

檜在惠山大殿之東長十餘丈

蘇紳

幾年飛錫倦尋芳
雲衲爛斑掩竹房
一榻夜禪蒲座穩
痛盃春烘藥苗香
汲泉巖畔驚猿飲
栽菊池邊鷺鷥翔
像室霽窗燈灺小
石樓風簾碧聲長
焚香對竹衝寒霧
掃葉前林趁曉霜
大抵僧居遺俗慮
此中身

世更清涼

題山亭

蔣堂

山亭深處枕清溪萬目回環盡翠微
梅亭破香知臘近柳梢含綠認春歸
風前列嶂琴三疊雪後羣山玉四圍
顧我此來盤礴久塵勞瀟洒頓忘機

送王介甫知毗陵

梅堯臣

吳牛嘗畏熱吳田嘗畏枯有樹不蔭犢有水不漑徐
孰知事春農但知急秋租太守迫縣官堂上怒奮須
縣官促里長堂下鞭扑俱不體天子仁不恤黔首逋

借問彼爲政一一何所殊
令君請郡去預喜民將蘇
每觀二千石結束辭國都
絲鞵加錦線銀勒以金塗
兵吏擁後隊劒櫓盛前驅
君又不若此革轡障泥污
徐行問風俗低意騎疲駑
下情靡不達略細舉其粗
曾肯爲衆異亦罔爲世趨
學詩閒已熟愛棠豈無

冬日送毗陵遲上人

霜風刮地如刀鏤鳥不高飛
魚已潛何況削髮冷入
骨草履不畏冰雪露緣山
涉水去幾里晝鉢野飯誰
人添毗陵古寺苦欲到索
我贈行無久淹

留題毗陵潘氏假山

人心本好靜世事方擾擾丘壑未去時庭中結山小
長欲見蒼翠何須聽猿鳥有志同向平當期婚嫁了

觀毗陵寧公畫草蟲

古人畫虎鵠尚類狗與鷲今看畫羽蟲形意兩俱足
行者執如去飛者翻若逐拒者如舉臂鳴者如動腹
躍者趨其股顧者注其目乃知造物靈未抵毫端速
毗陵多畫工圖寫空盈幅寧公實神授坐使羣輩伏
草根有纖意醉墨得已熟權豪不可致節行今仍獨

叔治遺草蟲枕屏

世傳毗陵畫妙絕僧居寧不爲權貴逼所與乃忘形
吳機三尺素落筆酒未醒忽爲雙飛蜂忽就一蜻蜓
螳螂相拒立促織如可聽蚣蝑與蝼蝈行躍勢未停
竹蟬及鬼蝶飄飄翻翅翎蚊蚋亦具體纖悉皆可名
廣宗潘叔治持作枕間屏我行因以贈益見雙眸清

季子廟

信如季子賢自昔知能幾依約有荒祠宋冀無英節
壤梁生濕菌古木憑山鬼英靈豈顧茲青史辭豐贍

夫子篆

碑在江陰申
港本常屬縣

季札墓傍碑古稱尼父篆始沿春秋義十字固莫刻
磨敲任牧童侵剝因野蘚嗟爾後之人萬言書不淺

送沈學士知常州

歐陽脩

舊館芸香鎖未寒齋船東下入秋濤江晴風暖旌旗
颺木落霜清鼓角高吟就彩牋賓已醉舞翻紅袖飲
方豪平生粗得爲州樂因羨君行首重搔

送陳商學士知常州

韓琦

疊鼓聲喧下艤舟書山蕭瑟別英游青藜照字觀竒

廢朱雀分符錫命優霞夾烏牆晴旆卷星搖漁浦夜
燈幽蓴風正熟帆無恙一色江天望慶秋

餞光祿兩張卿退居

杜衍

七十引年遵禮經君家何事最爲榮清朝叔姪同辭
祿歸去田園盡列卿遠近溪山資勝賞往還舟楫稱
閑行誰知東路賢哉嘆二阮方能繼此聲

又

歐陽脩

江左衣冠世有名幾人今復振家聲朝廷獨立清光
節間里歸來白首卿志在言談猶慷慨身閑耳目益

聰明長松野水誰爲伴
顧我堪羞戀寵榮

又

呂 溱

壯爾盡忠力耆年保素心
東門脫圭組南國傲雲林
水石排清景簷楹入翠陰
雜花春瑩酒脆葉夜驚禽
竹月聊欹枕松風一解襟
體清塵累去天得道腴深
坐有三公適中無一芥
侵大恩嗟未報何日奉觴琴

又

江上築堂遺世塵
堂中虛白見天真
丹心許國平生事
皓首還家自在身
水樹秀繁情
蕙雪軒顏色愛

松筠清時解紱端榮佚不徇賢哉詠古人

又

蔡襄

人仰公材世吏師便甘歸老故園池門闌清似當官
處心力彊於少壯時物理自冥非寄酒兵謀猶在却
因基濠邊風月如招隱願拂塵裾隨所之

張公洞

胡宿

一室是仙鄉深巖石燕翔隔雲青瑟轉拂水紫芝香
滴露驚神冷靈襟徹頂涼浮雲應不遠衣袂好相將
常州李使君被召還臺

綠髮仙郎第一泥。久拋臺直刺東州。三章用法文無
害。五鼓歸朝。挽不留紫殿舊班趨。玉筍青璫遺業啟。
龍樓猶來廟院。高。清。世。行。看。常。平。出。兩。侯。

陳學士赴常州

金斗城高二浙西使君初拜武都泥。射堂五色開雲
的。齊隊千兵衣水犀。仙閣舊香芸辟蠹。使軻新蔭李
成蹊。下車定有中和曲。索米州民日倚輶。

題善卷洞

陳襄

陰陽融結此山川。便有鹽堆與石田。風俗每來占水

旱却疑乾洞有神僊

又

水洞深無百尺泉
白龍蟠蟄已多年
誰知此物能雲雨
常濟山南萬頃田

游宜興法藏院觀桂紫菊花

山茶花開菊色紫
青桂童童立花裏
柔姿翠幹已可憐
更傍幽叢看花蕊
山僧揖我臨階坐
眼到欄邊心即喜
便欲携歸種郡齋
忍冷此地風煙埋

依韻和通判徐郎中毗陵重陽

自憺宮車別帝臺寄言雛菊不須開心喪忍到行春
浦耳病慵携邊月杯行春樓遲月亭皆在東園天色陰沉鳴鴈過
物華零落暗華催却輸小杜憐嘉節酩酊齊山夜始
迴

寒食日常州宴春園

曲池收雨靜無塵結客留連半月春洞裏桃花青葉
嫩牆頭杏火綠煙新風光冉冉非前日物色依依似
故人官蒲又歸延閣去忍將詩酒負佳辰

題張渚道中

班春無術勸汙萊五十年間此一回黃髮路傍應怪
問使君何事入山來

過登畫溪

五雲深處問新亭月裏乘舟夜半行不見藤花相掩
映鄉人遙指畫溪名

題毗陵郡圖

平湖千里接荆溪萬頃良田不可隄我欲決渠疏積
水于塘江口地形低

常州郡齋六首

近來無事學攬空聊得齋居養性靈
卧著衲衣穿草屨誰知參魯解忘形

小亭側畔構山房便是耕雲釣月鄉
未達功名窮飲水此生應不誤行藏

桐花看地雪成痕時有幽禽巧語言
應笑使君林野性日依山水避塵喧

使君非是愛山間道在盈虛消息間
不見白雲無一事等閒爲雨却歸山

苟令當年此謫居空文惟見七篇餘
我今亦作蘭陵

六五八
守不忍援毫便著書

一麾來此下品丘也學東山謝博遊今日鳥聲并水色不知何似五亭幽

携家遊東園

紅塔寺前千頃稻青山門外百家村年豐米賤無公事不惜時來倒一樽

焦千之求慧山泉詩

蘇軾

絃山定空中乳水滿其腹遇隙則發見臭味真一旌
溪深各有值方圓隨所蓄或爲雲洶涌或作綫斷續

或鳴空洞中雜佩間琴筑或沅蒼石縫宛轉龍鳳蹙
餅罌走四海真偽半相瀆貴人高宴罷醉眼亂紅綠
赤泥開方印紫餅截圓玉傾甌共嘆賞竊語笑童僕
豈如泉上僧盥灑自挹掬故人憐我病翦籠寄新馥
欠伸北牕下晝睡美方熟精品厭凡泉願子致一斛

遊慧山

余爲錢塘倅往來無錫未嘗不至慧山五
年後爲湖州與秦太虛參寥同至覽唐王
武陵寶羣朱宿詩愛其清簡蕭然有出塵之姿用韻各賦三首

夢裏五年過竟來雙鬢蒼蒼還將塵土足一踏漪瀾堂

俯窺松桂影，仰見鶴鶴翔。炯然肝腑間，已作冰玉光。
虛明中有色，清淨自生香。還從世俗去，永與世俗忘。
薄雲不遮山，疎雨不濕人。蕭蕭松桂滑，策策芒鞋新。
嘉我二三子，皎然無緇磷。勝遊豈殊昔，清句仍絕塵。
吊古泣舊史，疾讒歌小旻。哀哉扶風子，難與巢許隣。
敲火發山泉，烹茶避林樾。明窓傾紫盞，色味兩奇絕。
吾輩眠食耳，一飽萬想滅。頗笑王川子，飢弄三百月。
豈如山中人，睡起山華發。一甌誰與共，門外無來轍。

秦觀和 輟棹縱幽刺，籃輿入青簫。圓頂相摩
近旂檀，燎深堂層密。淡如洗，傑閣森欽，翔林紫

舍雨濕袖日隔雲光涓涓續清瀾
 俯仰任登覽悠哉身世忘使君厭
 散人顛慙兼葭陋繆倚瓊林新上
 下厲白磷磷洞天不知老金界無
 樓觀相複重邈然閱際越九龍吐
 不絕嬰味馳千里真朱猶未減况
 焉試葵月岸巾塵想消散策佳興
 嬉操瓢繼前轍參寥子和山煙弄
 木含蔥蒼刺舟傍遙岸理策升虛
 密矯矯如翔翺下瞰平田泥浹然
 解初障晚雨聞清香雖云迫前途
 躋已新指泉漱玉齒照眼光磷磷
 卓犖遺器塵風標傲竹栢談笑陵
 冥子卧霞與結隣揚帆渡江來洗
 雲安既容裔鳥驛更清絕陵梯訪
 未減羞我漁目光晴能照明月在
 墨掃琅玕風

煙座中發殊勝區
中人茫茫走飛轍

題慧山寺

踏遍江南南岸山
逢山未免更留連
獨携天上小團
月來試人間第二泉
石路縈回九龍脊
水光翻動五湖天
孫登無語空歸去
半嶺松聲萬壑傳

贈錢安道兼寄其弟慧山山人

鴛鴦湖邊月如水
孤舟夜傍鴛鴦起
平明驚纜去橫橋
亭歎媿冒寒髯
御史結交最晚情
獨厚論心無數舍
有幾宋寬抱關嘆
蕭生看老執戟哀
揚子怪君顏采

却秀發無乃遷謫反便美天公欲困無柰何世人共
抑真疎矣叱陵高山錫爲骨陸子遺味泉水齒賢哉
仲氏早拂衣占斷此山長洗耳山頭望湖光潑眼山
下濯足波生指儻欲逸少問金堂記與愁庫留石髓
錢安道席上令歌者道服

烏府先生鐵作肝霜風捲地不知寒猶嫌白髮年前
少故點紅燈雪裏看他日卜鄰先有約待君投綬我
休官如今且作華陽服醉唱儂家七返丹

周卯和 舊立霜臺吐肺肝高風猶自襲人寒
曾將白簡清朝擲却把黃庭靜處看谷口退翁

親有道江邊歸客本無官君家
別得長生術不用金爐九轉丹

贈錢道人

書生苦信書世事仍臆度不量力所負輕出千鈞諾
當時一快意事過有餘忤不知幾州鐵鑄此一大錯
我生涉憂患常恐長罪惡靜觀殊可喜脚淺猶容却
而况錢夫子萬事初不作相逢更何言無病亦無藥

贈慧山表大師

行遍天涯興未闌將心到處遣人安山中老宿依然
在案上楞嚴已不看歌枕落花餘幾片閉門脩竹自

千竿客來茶罷空無有
盧橘楊梅尚帶酸

寄陳述古

慧泉山下土如濡
陽羨溪頭米勝珠
賣劍買牛吾欲老
殺雞爲黍子來無
地偏不信容高蓋
俗儉真堪省腐儒
莫怪江南苦留滯
經營身計一生迂

無錫道中賦水車

翻翻聯聯銜尾鴉
捰捰确确蛻骨蛇
分畦翠浪走雲陣
刺水綠鍼抽稻芽
洞庭五月欲飛沙
黿鳴窟中如打衙
天公不見老翁泣
喚取阿香推雷車

再和常州和昔年留別

偃偃山前叟迎我如迎新那知夢初醒念念非昔人
江湖久放浪朝市誰相親却尋泉源去桃花逢避秦
與孟震同游常州僧舍

年來轉覺此生浮又作三吳漫浪遊忽見東平孟君
子夢中相對說黃州

湛湛清池五月寒小山無數碧巉峴穉杉戢戢三千
本且作凌雲合抱看

知君此去便歸耕笑指孤舟一葉輕待向三茆乞粟

雨半篙流水送君行

題感慈寺

碧玉盃盛紅礪礪井花水養石菖蒲也和法供無窮
盡試問禪師得飽無

薦福老懷真巧便淨慈兩本更尖新憑師爲作鐵門
限準備人間請話人

歸宜興留題竹西寺

十年歸夢寄西風此去真爲田舍翁剩覓蜀岡新井
水要携鄉味過江東

道人勸飲雞蘇水童子能煎鴛栗湯
暫借藤床與瓦枕莫教孤負竹風涼

此生已覺都無事今歲仍逢大有年
山寺歸來聞好語野花啼鳥亦欣然

題太平寺法華院薝蔔亭

六花薝蔔林間佛九節昌蒲石上僊
何似東坡鐵拄杖一時驚散野狐禪

太平寺牡丹

武林半葉熙熙觀空別後湖山幾信風
自笑眼花紅綠

眩還將白首看靸紅

除夜宿常州城外二首

行歌野哭兩堪悲，遠火低星漸向微。
病眼不眠非守歲，鄉音無伴苦思歸。
重衾腳冷知霜重，新沐頭輕感髮稀。
多謝殘燈不嫌客，孤舟一夜得相依。

南來三見歲云徂，直恐終身走道塗。
老去怕看新曆日，退歸擬學舊桃符。
煙花已作青春意，霜雪偏尋病客鬚。
但把窮愁博長健，不辭最後飲屠蘇。

州表乞常州居住得請

上書得自便歸老湖山曲躬耕二頃田自種十年木

次韻蔣穎叔

時瓊林宴坐相約卜居陽羨

月明驚鵲未安枝一棹飄然影自隨江上秋風無限浪枕中春夢不多時瓊林花草聞前語疊疊溪山拍後期豈敢便爲雞黍約玉堂金殿要論思

題慧山寺

蔣之奇

釋子幽居遠俗紛停橈登覽日將曛湖光已嘆千年變山勢猶驚九隴分迸溜冷噴雙沼雪煮茶香透一椀雲偶因流落尋佳致何意聲名世外聞

瀟灑携家上翠微
白雲凌亂迸人衣
流泉噴薄山前去
應待玄冬作雪飛

遊慧山

還家豈不樂生事未應閒
朝日已復去征鞍
方更攀傷心百道水
閱目萬重山
何以忘羈旅
脩脩醉夢間
訪慧山錢道人不過

周邠

登山穿破亂雲堆
不見高人眼倦開
門掩水聲閒白
路無車跡長蒼苔
牆頭五柳空搖曳
池上雙鳬自往來
却棹扁舟自回去
過江思上子陵臺

題慧山寺

焦千之

余愛茲山昔屢遊回環氣象冷清幽茂林鬱蒼山蒼
翠宴坐瀟灑風颼颼密甃積蘚近泉眼飛聲比翼參
雲頭一徑誰開青步障客來共泛紫玉甌勿思乘興
好獨往塵纓未濯莫我留勝遊未到心先厭健步歷
覽氣挾輶生平趣向與時背泉石夙志略已酬茲山
獨以泉品貴乃得嘉名傳九州譬之其中貴有物源
深混混難窮搜求公去此久愈愛自我佳句悲百憂

題慧山泉

黃庭堅

錫谷寒泉橢石俱併得新詩
蠶尾書急呼烹鼎供茗
事澄江急雨看跳珠是公與世滌羶腴令我屢空常
晏如安得左幡箕
穎尾風爐煮茗卧西湖
精音安益取井傍數
山石置中
澄水不濁

寄闕下諸父兄兼示平甫兄弟 王安石

久聞陽羨溪山好頗與淵明性分宜
但願一門皆貴任時將車馬過蒹葭

酬邵提刑

曾放常州遠主又豈知身得兩朱輪
甲時汎濫川方

壘厨傳蕭條市亦貧以我薄材思俯偃賴君餘教得
因循詢求故有風謠在不獨饒詩尚未珉

題慧山寺

楊傑

閑說支公最好賢瀛洲可買不論錢樓臺蔽日都無
地草木菲春別有美石上傳讎平峽雨洞山泉落幾
家田高閑誰似幽居樂一坐青山不問年

張公洞

唐曆初還自嶺南曾携筇杖訪真仙洞天不隔三千
界仙駕青猿杳杳年華幾度經年未解離塵事豈

溪船樵夫不識願山叟欲與何人講易篇

登子隱臺

平西義戰幾百載江左空遺子隱臺鄉俗尚傳三害
去地基曾見六朝來人隨淞水年年遠山似屏風面
面開誰與宜興訪舊宅至今藏在白雲堆

題善卷洞

蔡肇

相鮮金碧照崔嵬殿閣園林迤邐開留戀白雲禪客
少采寥青嶂曉猿哀山川勝處天能巧景象窮時石
也摧靖節遠公如可作不應蓮社愧劉雷

天申宮

勝迹傳來不記年昔聞曾駐漢神仙赤烏方喜靈壇
建白馬俄驚梵宇遷觀額自唐因記定官名至宋有
珉鐫江南福地雖云衆第一無過此洞天

遊張公洞呈知縣

華僊御氣已超升品洞千秋冷不局若許煎鉛除白
髮敢辭長鏡斲書冥壇場咸爲民祈福蒿艾時因鬼
乞靈它日重來尋石髓絳雲深處讀黃庭

張公洞

髯僊御氣歛雲扉洞戶千秋敞翠微
寓馬至今來祕祝芻靈聊復借餘威
石房故劔龍隨勢空竈殘丹鼠輒飛
欲煉刀圭留鬢髮山頭白鶴幾時歸

題南岳寺

郭三益

古木陰森梵帝家簾泉一酌試新芽
官符星火催春焙却使山僧怨白蛇

題慧山翠麓亭

丁寶臣

諦看軒軒面翠微暫來登此已忘機
地連佛寺樓臺古泉落山田稻蟹肥
曉徑忽穿清氣入夜船多載白

雲歸世人誰識紅塵外終老功名未拂衣

和慧山泉

誰識澄淵萬古清潢汙擾擾謾縱橫出從山底應無
極流落人間自有聲江漢想能同浩渺塵沙雖混更
分明從來阜歲爲膏澤安用茶經浪得名

留題慧山寺

張商英

元符己卯西浙運判曾孝禮作常潤京口
奔牛上閘成集賢殿修撰發運使張商英
被旨相視遂至慧山
寺留題以紀行役

咸陽復重之明年三月端午予泛船二閘新成洞常

潤組練直貫吳松川淮南杞師初入浙借問邑里猶
茫然茶經舊說慧山泉海內知名五十年今日親來
酌泉水一見信異傳聞千置茶適自建安到青杯石
臼相爭先輟羅萬過玉泥膩小餅蟹眼湯正煎乳頭
雲脚蓋箬面吸嗅入鼻消睡眠滌釜操壺貯甘液緘
題遠寄朱門宅仙人見冰是瑠璃乃知陸羽非凡客

題天慶觀畫龍

胡珵

道人龍中來醉與神物會寫茲蜿蜒質日月爲冥晦
崩翻江海安素壁起濤瀨呼吸見雌雄抉石疑可碎

蕭森殿陰古衆真儼飛旆注觀恐騰躍夜半失像繪
飛光著明珠靈秘一何怪爛爛照薨棟那得久在外
偷兒伺酣睡不怕嬰鱗害願言慎所托未用期一快

題智寶院

六代煙塵息千年象教尊衣冠悲故里聚落見荒村
題宜興迎華驛

建炎間無名氏

家問不來秋夜長白鷗眠處倚牙樯風搖湖水動山
灑天壓龍鬢低鴈行菊老過時猶嚼蕊魚逃無水尚
鳴榔洗兵馬詔何時下免遣農夫坐女墻

送毗陵太守受代東歸

汪藻

往年我作新安民人又能說劉使君使君本一儒者
耳數十載來嗟未聞我時屈指今州縣似此賢侯當
識面那知漂泊千里餘晝戟清香日陪宴使君何似
入不如曾中政有萬卷書清真簡淡乃天性文章政
事猶其餘向來天子留君住重與毗陵三萬戶誰教
一曲渭城歌忽作梨花枝上雨宦遊南北安得同村
徧凋却還須公人生五馬亦不惡與民處處爲春風
避地山亭野步

今日幸無雨，天空出遙岑。行行不知疲，遂至春江濤。
汲路轉籬落，人家在桑陰。平疇漲清波，隴麥如人深。
溝畎戲鳬鷺，新蒲映浮沉。我生本漁樵，對此諧初心。
風物豈不好，悲來難自任。胡塵暗中原，四海如鷺禽。
黃屋狩萬里，兩宮隔辰參。龍移蟻蟻窺，月晦蟾蜍侵。
宇宙有傾覆，茲遊豈嘔歔。消憂賴濁醪，太息誰能斟。

諸公遊慧山

茲山定中腴，秀色乃如許。連峰積蒼潤，嵐氣亦成雨。
珍泉不浪出，世俗那得取。羣仙作佛供，醺此玉池股。

甘寒冠天下，
餅壺走膏乳。
兒嬉供茗事，
雲散入江渚。
當源起臺殿，
下瞰松柏古。
魏基首梁宋，
爽氣接吳楚。
我來值桂月，
勝儕得嵇呂。
聊分小蒼壁，
同吊百年羽。
躋攀興未極，
落日在林莽。
却立望翠屏，
中流注鳴櫓。

晴呈葉常州

衡

張安國

使君憂民出至誠，
欲晴而晴天所矜。
白衣老人無逢迎，
香火未收東方明。
旨麾六龍扶日行，
羣陰卷盡見太清。
女嬃柔桑男趁耕，
嬉嬉和氣滿春城。
去年歲事已如許，
田頭試聽老農語。
浙西更看五日雨，
麥根爛。

盡種不土

陽羨春歌

陳克

石亭梅花落如積吐鮫爛斑竹姑赤祝陵有酒清若
空煮粳蒸魚作寒食長橋新晴好天氣兩市兒郎擢
船戲溪頭鏡鼓狂殺儂青蓋紅裙偶相值風光何處
最可憐邵家高樓白日邊樓下遊人顏色喜溪南黃
帽應羞死三月未有二月殘靈龜可信滄水乾葑草
青青促歸去短簫橫笛說明年

題雲海亭

尤袤

亭前山色繞危欄
亭下波濤直浸山
波上漁舟亭上客
相看渾在畫圖間

張公洞

舟次朔汶待季父伯兄遊洞靈步行五里
夾道皆喬木參天鶴巢其上若狹若闊
水洌洌鳴聲甚悲殆不類人間也入洞宮
覽前賢留題徘徊久之由石徑里許達于
洞洞深數十丈磴道險絕俯淩僅可下寬
廣容數百人大石離立或下聳欲落若劔
盾矛戟相撐拄或竟棟連地崛起而不斷
若虎豹蹲伏俯踞而擎攫中有小門持炬
乃得入丹竈井壇在焉由石鐮而上皆流
石怪形無窮其狀旁行屈曲益深遠不可
到其陽有懸崖滴乳水水流潤谷作細乍
大自成宮商橫澗得小閣可憩朱藤纏絡

崖上丹花藏藏下墜芬香襲人毛髮凜然
欲少留而大風作遂歸余游山川多矣茲
游最可紀因成五百字貽
我同志以備他日觀覽焉

吾聞荆溪南有地僊所宅十年勞夢想今日看脚歷
扁舟下湖汶水漲沒砂磧結纜小橋傍杖藜從所適
平岡面坡陀疊嶂堆巖積行行三兩里夾道喬木植
其末幾合抱其高乃千尺風生萬壑響日照四山赤
時搖樹林杪忽見屋宇脊宮門何崢嶸古路頗脩直
長廊景曠曠崩殿人宋宋寥落昔賢題摩挲壁間墨
捫蘿上層巔俯瞰得深窟危梯交枝撐鳥道穿詰屈

投身乍寬縱跼步仍逼窄攀援愁顛躋傲睨驚險僻
懸崖朶頰頽亂石拱劔戟白雲何時橫乳溢或自滴
中空正瀕洞了不見天隙冥行迷近遠徂徠猶摘植
巉嵒豈人工隱軫入地脉窮幽或篝火俯跪僅容膝
仙壇尚故處丹竈儼遺跡山蟲鳴唧唧野鼠齧嚙
傳聞老父語以往深莫測中有白玉堂橫絕巨石塞
傍連洞庭野欲去不可極潛窺目先旋縱走膝無力
迢迴步西徑突兀出峭壁樅風高枝樛藤蔓青陰羃
芳草何芊綿丹葩亦狼籍躊躇古亭上頽仰幽澗碧

丁當下流水磊砢落石雖云培塿高氣與嵩華敵
其南有空穴潛瀕蛟幽黑陰風牙吞吐冷氣森噴逼
蛟龍久伏藏金玉悶簡冊靈蹤倖茫昧幻怪紛慘滅
將無神物守欲與世壤隔平生丘壑念蚤歲泉石癖
豈不思三山所恨無六翮樂哉茲辰游逸興潛有激
仙翁在何許綠髮尚如昔髣髴簪簪聲徘徊鸞鶴翼
俗緣磨不盡夢境坐形役何階築衡茅幽討窮日夕
風雲西北起天地忽改色倉皇促歸旆造物豈戲劇
良游易乖悞真賞難再得寄語山中人重來襍相識

寄題邵先生雪隱二首

陸游

興盡當年句曲秋
却歸菴盡弄扁舟
有時信脚來沙際
拾得殘雲補破裘

尚嫌句漏養丹砂
況種劉郎去後花
菴盡溪頭雲萬疊
不知何處是君家

遊張公洞

曾幾

張公洞府未着腳
向人浪說遊荆溪
欲看直上翠羽蓋
不惜扶下青雲梯
勁風翻動土囊口
暗水流出桃花蹊
却將深處問兒輩
一夕竟夢窮攀躋

發宜興

老境垂垂八十年又將家上鐵頭船客留陽羨只三月歸去玉溪無一錢觀水觀山都廢食聽風聽雨不妨眠從今布襪青鞋夢不到張公即善卷

宜興邵智卿天遠堂

目極雲沙靜眇然邵卿風月過年年鴈行滅沒山橫晚漁艇空濛水接天南國棠陰春未東風瓜蔓日綿綿問君許作鄰翁否陽羨溪邊即買田

入常州界

楊萬里

老隨千騎入毗陵騎吏朝來有喜聲未到常州三十
里此身已作浙中行

昨日愁霖今喜晴好山夾路玉亭亭一峰忽被雲翳
去留得崢嶸半截青

毗陵郡齋冬至晴寒

竹屋消殘半瓦霜冰河凍裂一漁航不須官線量曦
影化日今年特地長

題郡齋坐屏

荆溪四面四無山不是荒林即野田忽有石崖天半

出飛泉落處悄入煙

二月望日勸農既歸散策郡圃

剡溪老守勸農歸吏散還從郡圃嬉拾得落英纔一
掬春風苦向掌中吹

雨足曉立郡圃荷橋

郡池六月水方生便有新荷貼水輕雨後獨來無箇
事閒聽曉鳥話昇平

春暖郡圃散策

已覺朝來退袂衣日光風力軟如癡倩誰留許春寒

看更教梅花住少時

萱草行間過履絢杏花影裏散文書
秋風遣我疎團扇又被春風遣喚渠

春禽處處講新聲細草欣欣賀嫩晴
曲折遍穿花底路莫令一步作虛行

靜坐池亭

胡床倦坐起凭欄人正忙時我正閒
却是閒中有忙處看書纔了又看山

荷邊弄水一身香竹裏招風蒲扇涼
道是秋來還日

短秋來間裏日偏長

太平寺水

太平古寺劫灰餘夕陽惟照一塔孤得得來看還不
樂竹徑荒處破殿虛偶逢老僧聽僧話道是壁間留
古畫徐生絕筆今百年祖師相傳妙天下壁如雪色
一丈許徐生畫水纔盈堵橫看側看只麼是分明是
畫不是水中有清濟一線波橫貫萬里濁浪之黃河
雷奔電卷儘渠猛獨清元自不隨它波痕盡歎忽掀
怒攪動一河秋色暮分明是水不是畫老眼向來元

自誤佛廬化作金柁樓
銀山雪堆風打頭
是身飄然在中流
奪得太乙蓮葉舟
僧言此畫難再覓
官歸江西却相憶
并州剪刀剪不得
鵝溪足
綰官莫惜貌取
秋濤懸坐側

懋懷古堂

新葺懷古堂
舊臨郭璞池
去歲夏徂秋
無日不此嬉
茨菰無暑性
芙蓉有涼姿
今年池水乾
老子來遂稀
豈惟來不留
亦復去靡思
朝來偶一到
又覺景特奇
水含霽後光
荷於風處欹
便有白鷗下
驚起翠羽飛

方池灔澦東長池橫簷西紅綠向背看觴詠朝夕宜
此堂初無情此池諒何知如何涉斯世垂逢亦有時
多稼亭望三山中峰獨秀而低

三山道是遠連天亭上看來只近簷可惜當初低少
許三山幸有一峰尖

梅露堂

藥玉船中酒似空水沈煙上雪都融梅堂客散衣初
靜椽燭燒殘一尺紅

卧治齋

今年一雪徧江淮半月晴光凍不開孤坐卻齋入宋
宋一枝紅燭兩株梅

夢稼亭

雨前田畝不勝荒雨後農家特地涼一眼平疇三十
里際天白水立青秧

淨遠亭

犯雪來登淨遠亭飛花看水旋成冰瓊田萬頃珠千
樹真在瑤臺十二層

荷橋

橋壓荷梢過花園橋外饒荆溪無勝處勝處是荷橋
酌慧山泉瀹茶

錫作諸峰玉一涓麴生堪釀茗堪煎詩人浪語元無
據却道人問第二泉

慧山雲開復合

二年常州不識山慧山一見開心顏只嫌雨裏不子
細髣髴隔簾青玉鬟未風忽吹白雲拆翡翠屏風倚
南極政綠一雨染山色未必雨前如此碧看山未了
雲復還雲與詩人偏作難我船自向蘇州去白雲穩

向山頭住

泊舟無錫雨止遂遊慧山

天教老子不空回
船泊山根雨頓開
歸去江西人問我
我也曾一到慧山來

寄茶與尤延之延之再寄黃檗和韻

詩人可笑信虛名
擊節茶芽意豈輕
爾許中州真後輩
與君顧渚敢連衡
山中寄去無多子
天上歸來太瘦生
更送玉塵澆錫水
爲搜孔思與周情

題蕭岳英常州珠氏畫草蟲軸二首

常州草蟲天下奇女郎新樣不緣師未應好手傳輪
扁便恐前身是郭熙

又

筆端生意已如生點綴沙蟲機本傳淺著鴉黃作胡
蝶深將猩血染蜻蜓

題安陽山翠微寺

唐 皞

平地巍峩起一峯歷山西畔瀾湖東勢侵雲漢千行
直影落煙村四面同龍窟正當螺髻頂僧居端坐盡
屏中邦人不獨資觀賞旱歲爲霖更有功

題安陽山

趙義夫

突兀當空特不羣
嶄然頭角起祥氛
毗陵自古多英俊
可信孤峯解主文

題獨孤檜

翁卷

此檜何人種
相傳是獨孤
年深成古物
名重入州圖
老節堅難蠹
皴皮裂似枯
托根陳帝廟
應不慮樵夫
毗陵天慶觀
畫龍呈王使君
戴復古

姑蘇道士天酒星
醉筆寫出雙龍形
墨蹟縱橫奪造化
蜿蜒蒲壁令人驚
一龍翻身出雲表
口吞八極滄

溟小手弄寶珠珠欲飛握入掌中奉五爪一龍排山
山爲開頭角與石爭崔嵬波濤怒起接雲氣不向九
霄行雨來萬物焦枯天作旱兩龍壁隱寧非懶真龍
不用只畫圖猛拍欄干寄三歎

太平寺畫水天慶觀畫龍呈王使君

何人筆端有許力捲來一片瀟湘碧摩挲老眼看不
真怪見層波湧虛壁天慶觀中雙黑龍物色雖殊妙
處同能將此水畜彼龍方知畫手有神通龍兮水兮
其會遇天下蒼生待霖雨

過無錫見李元德祭酒

劉過

戀樹棲禽暖不飛不知弓繳有危機
季鷹名悟蓴鱸好應悔江東不早歸

高門掃日鳴珂至吹竹彈絲暖響中
宋寬二區如此宅世間却有兩陽雄

題慧山

蔣重珍

龍山慧山兩山雲出能爲雨入爲晴
雲山之氣有歎散歛散之理斯爲神
我廬山下爲小隱雲爲動兮山爲靜
悠然而出物之澤屹然而峙地之鎮
我見雲山

喜與俱雲山無情不見余我比雲山多此見不如一
似雲山無

題洞虛觀

僧仲殊

古觀多松檜幽可近暮秋坐看新月上開見斷雲愁
野思同花鳥鄉情隔島洲輕寒披鶴氅隱几自搔頭
詞

菩薩蠻

蘇軾

買田陽羨吾將老從初只爲溪山好來往一虛舟聊
從造物游有書仍懶著且謾歌歸去筋力不

要須風雨時

鳳棲梧

山秀芙蓉溪明罨畫真遊洞穴滄波下臨風慨想斬
蛟靈長橋千載猶橫跨解佩投簪求田問舍黃雞
白酒漁樵社元龍非復少時豪耳根洗盡功名話

鷓鴣天

陽羨競渡

陳克

柳外東風不蒲旗青裙白面出踈籬
來打鼓儂吹笛催送兒郎踏浪飛
傾兩市關雙螭家家春酒灣
尖泥儂令已是滄浪客莫向尊前唱教池

浣溪沙 陽羨上元

橋北橋南新雨晴
柳邊花底暮寒輕
萬家燈火照溪明
鳬舫差池官事了
木山彩錯市人驚
街頭酒賤唱歌聲

又

罨畫溪頭春水生
銅棺山外夕陽明
暖風無力小舟橫
萬事悠悠生處熟
三杯兀兀醉時醒
杏花楊柳更多情

好事近 石亭探梅

尋遍石亭春點點暮山明
滅竹外小溪深碧倚一枝
寒月 淡雲疎雨苦無情
得折便須折醉帽風鬟歸
去有餘香愁絕

重修毗陵志卷第二十三

重修毗陵志卷第二十四

重修毗陵志卷第二十四

財賦

浙右郡號沃壤獨毗陵田高下不等必歲大熟民乃足舊傳紹興行經界履畝定稅是邦偶差一籌入畝贏其一賦是以重邇年上下交病其難咸淳奉朝旨修明蠲公田賦外版籍瞭然可稽然所入非昔比而所出不減於昔支吾牽補於是日不暇給不擾而集則又存乎人

夏租

上供絹舊額壹萬肆阡伍百肆拾壹疋叁丈壹赤昨
於寶祐年間前政知郡趙屯田重行修明經界
除別第官莊并天荒田地外實計下項

晉陵縣叁阡壹佰肆拾柒疋壹丈伍赤近又除公
田外淨合催貳阡叁佰玖拾壹疋叁丈肆赤貳
寸

武進縣貳阡伍百伍拾貳疋近又除公田外淨合
催貳阡叁拾叁疋叁丈柒赤

無錫縣肆阡玖拾柒疋壹丈陸赤近又除公田外

淨合催貳阡柒佰叁拾玖疋壹丈壹赤柒寸

宜興縣貳阡玖佰叁拾陸疋貳丈陸赤捌寸

近又除公田外淨合催貳阡壹百貳拾玖疋壹丈貳赤玖寸

本州准衣絹陸百拾陸疋叁丈捌赤

晉陵縣壹百壹拾叁疋

武進縣壹百壹拾叁疋

無錫縣壹百陸拾柒疋叁丈捌赤

宜興縣貳佰貳拾叁疋

上供綿舊額壹拾萬叁仟玖拾叁兩叁錢自修明後
實計下項

晉陵縣貳萬捌仟陸百壹拾玖兩貳分又除公田
外淨合催貳萬壹仟捌佰貳拾肆兩壹分

武進縣壹萬伍仟伍佰柒拾柒兩又除公田外淨
合催壹萬貳仟肆佰陸拾肆兩壹分

無錫縣叁萬壹仟叁佰伍拾捌兩陸錢陸分柒厘
又除公田外淨合催貳萬肆仟捌拾玖兩柒分
壹厘

宜興縣貳萬肆仟伍佰壹拾柒兩捌錢又除公田
外淨合催壹萬捌仟壹佰柒拾肆兩陸錢玖分
陸厘捌毫

本州淮衣綿肆仟壹佰柒拾兩

晉陵縣陸佰兩

武進縣伍佰兩

無錫縣壹仟肆佰肆拾兩

宜興縣壹仟陸佰叁拾兩

上供折帛錢舊額肆拾萬肆仟陸佰玖拾貳貫玖拾

肆文自修明後實計六項

晉陵縣捌萬伍仟貳佰叁拾捌貫柒佰叁拾叁文
又除公田外淨合催柒萬貳仟玖佰陸拾陸貫
叁佰壹拾玖文

武進縣陸萬貳仟玖佰陸拾肆貫玖佰柒拾文又
除公田外淨合催伍萬叁仟肆佰貳拾捌貫玖
佰柒拾壹文

無錫縣壹拾叁萬叁仟肆佰捌拾伍貫肆佰玖拾
文又除公田外淨合催壹拾萬玖仟伍佰伍拾

陸貫貳佰伍拾叁文

宜興縣玖萬肆仟玖佰柒拾玖貫陸佰柒拾貳文
又除公田外淨合催陸萬玖仟玖佰肆拾陸貫
肆佰捌拾柒文

本州淮衣錢

晉陵縣壹仟柒佰伍拾貫叁佰柒拾伍文

武進縣壹仟伍佰伍貫文

無錫縣叁仟肆佰肆拾貫伍佰伍拾文

宜興縣貳仟肆佰柒拾叁貫捌佰玖拾貳文

秋租

上供苗舊額貳拾貳萬捌仟伍佰玖拾貳石玖斗肆
勝參合貳萬壹仟捌拾陸石自修明後實計下項

晉陵縣肆萬貳仟貳佰玖拾石柒勝伍合玖斗壹
抄又除公田外淨合催參萬肆仟肆佰叁石捌
斗捌勝參合玖斗壹抄

武進縣參萬貳仟柒佰肆拾壹石貳斗柒勝壹合
又除公田外淨合催貳萬捌仟壹佰捌拾玖石
叁斗柒勝參合

無錫縣伍萬陸阡貳佰捌拾石柒斗捌勝壹合又
除公田外淨合催肆萬玖阡伍百陸拾陸石玖
斗叁勝

宜興縣伍萬伍阡捌佰柒拾叁石壹斗肆勝捌合
伍勺又除公田外淨合催肆萬貳阡伍佰叁拾
柒石肆斗伍勝伍勺伍抄

馬料

大麥舊額玖萬玖阡陸佰肆石捌勝自修明後實計
下項

晉陵縣壹萬叁仟叁佰伍拾石壹勝壹合

武進縣壹萬伍佰伍拾捌石伍斗貳勝陸合捌勺
無錫縣壹萬貳仟壹佰柒拾玖石捌斗叁勝伍合

伍勺

宜興縣壹萬捌仟捌佰肆拾玖石肆斗捌勝伍合
捌勺

小麥

晉陵縣舊額貳仟伍佰叁拾貳石捌勝肆合玖勺
自修明經界後貳仟伍佰玖石玖斗伍升肆合

玖乃叁抄

武進縣舊縣貳阡柒拾肆石貳斗玖勝捌合自修
明經界後壹阡捌佰肆拾玖石叁斗陸勝叁合
壹斗

無錫縣舊縣叁阡柒佰壹拾玖石陸斗壹勝玖合
玖斗自修明經界後貳阡柒佰伍拾柒石捌斗
柒勝玖合捌斗

宜興縣舊縣叁阡陸佰柒拾石壹斗捌勝柒合柒
斗自修明經界後貳阡捌佰柒拾柒石柒斗壹

勝未合柒勺

綱目錢

晉陵縣租額每年合解叁仟叁百捌拾肆貫錢會
武進縣租額每年合解貳仟肆佰壹拾貳貫錢會
宜興縣租額每年合解壹萬肆仟捌佰叁拾壹貫
文錢會

無錫縣租額每年合解貳萬陸仟肆佰貫文錢會
上供錢舊額貳萬伍仟貫文

內本州壹萬貳仟貫文

內無錫縣陸阡貳拾陸貫壹伯捌拾陸文

內宜興縣陸阡玖伯柒拾叁貫捌伯壹拾肆文

聖節進奉銀絹

銀伍伯兩

絹壹阡壹伯伍拾疋

本州壹阡疋提刑司壹伯伍拾疋舊志云會慶節進奉

銀絹從準拾柒年進奉時淳熙十五年台至

大禮年分添發銀絹

銀柒伯兩

本州伍伯兩提刑司貳伯兩

絹伍伯疋

三酒務生酒日酤舊額伍伯壹拾貫伍伯肆拾文今
收趣不等

內增收糴本錢肆拾貫文

經總制錢柒拾叁貫柒伯玖拾文

本州錢貳伯貳拾玖貫叁伯肆文

大軍錢壹伯貳拾肆貫捌伯陸拾文

四分糴本錢貳拾肆伍伯壹文

漕司并降本錢壹拾捌貫捌伯壹文

煮酒日酤舊額伍伯貳拾陸貫伍伯陸拾捌文今收

越不等

內增收糴本錢肆拾貫文

經總制錢肆拾玖貫伍伯壹拾陸文

本州係省錢增造還本錢貳伯肆拾貫貳伯貳拾

玖文

大軍錢壹伯伍拾貫伍伯肆拾柒文

四分糴本錢貳拾叁貫伍拾壹文

漕司錢壹拾貳貫柒文

正額移用錢壹拾壹貫貳伯貳拾陸文

稅錢每歲舊額壹拾叁萬伍仟柒佰捌拾肆貫壹佰
陸拾壹文今見收趣下項

內都稅務祖額每年合解肆萬叁仟伍佰玖拾柒
貫肆佰玖拾文

內無錫縣市務祖額每年合解玖仟玖百貳拾貫
文錢會

內宜興縣市務祖額每年合解玖仟貫文錢會

內青城務抱息稅錢每年合解肆仟柒佰伍拾玖
貫文

內萬歲鎮務抱息稅錢每年合解陸仟捌佰肆拾貫文

內張渚務抱息稅錢每年合解壹仟肆佰肆拾貫文

內湖汴務抱息稅錢每年合解壹萬捌佰貫

內橫林務租額每年合解貳萬陸佰貫文

內望亭務租額每年合解叁仟貳佰肆拾貫

公使庫歲賜錢叁仟貫文久例不支

租渡月收

東門渡肆伯伍拾文足

東廟前渡玖伯文足

天寧寺巷口渡玖伯文足

戒橋渡壹貫壹伯文足

西排灣渡肆伯伍拾文足

西廟前渡壹貫肆伯文足

西門寨前渡壹貫文足

七里灣渡貳貫壹伯柒拾伍文錢關

五効士酒日收舊額柒拾柒貳伯伍拾文

都醋庫每年見解壹萬貳仟壹佰柒拾伍貫文錢會
白地錢每年合解貳仟伍佰貳拾貫文錢會

諸倉場庫務頭子錢隨所收分隸無定數

湊額四分羅本錢舊額壹拾萬貫文解納 行在所

以酒稅樓店務坊場課利牙契係省錢內撥充
其後廢橫林望亭犇牛三稅務及以村坊改爲
犒賞庫牙契歸 朝省所撥分數比舊正放貌
全然不及今農寺催解每年肆萬肆佰壹拾陸
貫壹佰伍拾貳文多出鑿空

坊場錢

晉陵縣丞廳祖額每年合解伍仟玖佰捌拾壹貫伍伯玖拾貳文敗缺者多

武進縣丞廳祖額每年合解伍仟捌佰玖拾叁貫捌伯陸拾文

無錫縣丞廳祖額每年合解叁仟肆伯伍拾陸貫文

宜興縣丞廳祖額每年合解貳萬伍仟捌拾捌貫文

場七分寬剩錢減外舊額捌仟捌佰叁拾壹貫陸

伯肆拾文

晉陵縣丞廳壹仟叁伯肆拾陸貫貳伯伍拾陸文
武進縣丞廳壹仟壹伯陸貫捌伯叁拾貳文
無錫縣丞廳貳伯玖拾貫陸伯肆拾文

宜興縣丞廳陸仟捌拾柒貫玖伯壹拾貳文

德壽宮糯米捌伯石

元係漕司將浙東諸州移用降本錢拋糶

漕司耗剩米每正苗壹石帶納伍勝

官兵每月俸給舊額約米伍仟石錢伍仟肆伯餘貫

文今見支米貳阡叁佰叁拾壹石壹斗陸勝錢
叁阡捌拾肆貫捌拾陸文

諸軍春衣舊額錢貳萬叁阡叁佰壹拾柒貫伍佰柒
拾貳文今支下項

禁軍錢貳萬玖阡玖佰玖拾叁貫捌佰叁拾貳文
五寨土軍錢捌阡壹佰捌拾玖貫壹佰貳拾陸文
廂軍錢貳佰貳拾肆貫陸佰肆拾文

遞鋪兵錢壹阡貳佰叁拾陸貫伍拾叁文

此二項以漕司撥到物帑湊支今不發下

德壽宮有司廳總所漕司兵級錢伍伯捌拾陸貫
伍伯肆拾文

冬衣舊額錢叁萬叁仟陸伯肆拾貳貫壹伯貳拾叁
文令支下項

禁軍錢肆萬肆仟貳拾柒貫貳伯伍拾文

五寨二軍錢壹萬叁仟陸伯壹拾肆貫陸伯捌拾
貳文

廂軍錢叁伯壹拾貫壹伯肆拾陸文

遞鋪兵錢壹仟陸伯叁拾玖貫壹伯伍拾柒文

德壽宮司廳總所漕司兵級錢玖伯捌拾叁貫
壹伯捌拾文

本州全年合解總所月椿錢壹拾壹萬捌仟壹伯壹
拾貫陸伯肆拾捌文拾捌界錢會係分作拾貳
箇月起解每月解玖仟捌伯肆拾貳貫伍伯伍
拾肆文拾捌界錢會近準 朝省頒行關子總
領所催解錢關本州已將每月合解拾捌界錢
會玖仟捌伯肆拾貳貫伍伯伍拾肆文並作錢
關起解係拾捌界叁貫準關子壹道解發

通判廳經總制錢

淮東總領所經總錢准總所行下每旬解陸阡貫
文拾捌界壹月計解壹萬捌阡貫文拾捌界總
而計之一歲解錢拾壹萬陸阡貫文拾捌界近
年以來緣所屬拖遠虧解旬數不定

司農寺降本錢係舊圖經一行在糴本錢每歲合
解貳萬玖阡伍佰貫文錢閔細計拾捌界捌萬
捌阡伍佰貫文每月簇發多寡不定

提領封樁所六分煮酒錢係舊圖經左藏庫錢每

歲解并文錢開組計拾捌界貳萬壹仟貫
文其錢即蘇正色窠名催理却於所屬解到經
總錢內幹那逐旋申解近年以來縣道凋弊場
務敗壞並解不及數

壹萬貳仟玖佰陸拾玖貫肆佰壹拾柒文椿克過
軍口券收買軍需拋降起發米斛水脚官更食
錢等費並外餘錢解納在藏西庫

此項全無
上件案名

壹萬壹仟貫文移用并本錢於酒務賣糟錢內撥

支

比年逐年撥省務逐限解到
糟錢壹仟貫文貼湊申發

重修毗陵志卷第二十四